



Reconstituted Joint Monitoring and Evaluation Commission (RJMEC)

REPØØT CYÄDHI GWØG MEN-A ÁGWED YI

H.E. MAJ GEN CHARLES TAI GITUAI (rtd)

JANGI KØMİCIN MEN-A ÁDWÖÖG MAL Á AREB KIPE NĚNNI GEKI
NYUUDHØ (RJMEC)

KÌ RUN-A MAL KÌ YIJ MİRI KAAM WILI BĚEDØ, MEN-A ÁCİB YI LWÖM-
A ÁDWÖÖG MAL KIPE YIELI LINY KÌ REPØBLİK SØØTH SUDAN

E CÄG-Á KAAM

Cyänggi Akönythinh 22 kì run 2020 giti Cyänggi Akönythinh 23 kì run 2021

Møg-a yij Repøt Menani

1. Thyërø	2
2. Mïri Lwöm-a Ádwöög Mal kipe Rebi Pödhø	3
3. Gïg-a Ágwøg ki Kaam Wili Bëedø	4
4. Gïg-a Per Gen Teg Møg-a Nudd Ge Nenn-a Gwøgø	5
5. Akørr-a Mään Gwøgi Lwöm-a Ádwöög Mal kipe Yieli Liny ki Søøth Sudan	7
6. Gïg-a Dwadi 'Kwøngø ki Gwøgø Møti kipe Kedhi Gwøg Bøle	9

1. Thyërø

Lwöm-a Ádwöög Mal kipe Yieli Liny ki Søøth Sudan (R-ARCSS), a áthany yi akudd ábïj ki Cyänggi ÖR 12 ki run 2018, yije da gwøg me dwadi gwøgø yi Akudd-a áthany Lwömani ki kaam me bäre ba dwätt ábidäg. Codhe, o bang gen kedhi yi møg-a dwadi gwøgø yi Mïri Tyëny kipe Rebi Pödhø (RTGoNU), ki yethi dwätt 36 mø Mïri Kaam Wili Bëedø. Akudd ábïj møg-a áthany Lwöm-a Ádwöög Mal kipe Yieli Liny ki Søøth Sudan (R-ARCSS) ba:

1. Mïri Tyëny kipe Rebi Pödhø men-a nud anen. (ITGoNU);
2. DeeJ Tyëny kipe Yieli Tyëng Sudan (SPLM/A-IO);
3. Akudd-a Tøøk ki yij Mïiri (SSOA);
4. DeeJ Tyëny kipe Yieli Tyëng Sudan - Tyëng-a Ámag Cøn (SPLM-FD); ki
5. Akuddi Siyääsä Møg-a Kyeelø (OPP).

Møg-a dwadi gwøgø ying-a yij kër-a jyääg, korri pödhø, nenni gïg-a dwadi yi ji, yodi jamm-a göög kí mïdhi ngyëny kidøøj, nenni døøji gøny geki cigg-a jaag pödhø. Ge dwad-a tyëgø ki gwøgø ki yethi kamm-a ácíb ga møg gwøøg gen. Kaam Wili Bëedø árum ki cøør mal ki tyel áryew, de Mïri Tyëny kipe Rebi Pödhø (RTGoNU) árum ki kwanyø ki Cyänggi Akönydwøng 22 ki run 2020, kyeel ki köngi Wij Jyägø. Menani ábëed á cägi dwätt 36, a lög dwätti Kaam Tyëny.

Kømïcin Men-a Ádwöög Mal á Areb kipe Nënni gekI Nyuudhø (RJMEC), bene en a ákwany á ngan nenni cyädhi gwøngani, ki kër-a kedhi gwøøg Nywääg Mër bøle. Kër-a ácäge ceth, jyäggi Kømïcin Men-a Ádwöög Mal á Areb kipe Nënni gekI Nyuudhø (RJMEC) mägø ki nenni Jyäggi Akudd-a kyeelø møg-a yij nywängani, kí Wij Jyägø, kí Mïnisterr møg-a yij Mïri Tyëny kipe Rebi Pödhø, ka gï nyi jwan gen kinni, gwøg gen møg-a yij Lwöm-a Ádwöög Mal kipe Yieli Liny ki Søøth Sudan (R-ARCSS), kí kømmi yëth-a cuggi ki yieli akørr møg-a mään gwøg gwøgø, ka ge nyii nyuudhø ki gïg-a cuggi gwøgø, kí kømmi gïg-a cuung gwøg, ka ge nyii nyuudhø ki kër-a yieel møgani. Ripøt men loor-a gïg-a ágwøg ki run-a mal ki yij Kaam Tyëny.

2. Mïri Lwöm-a Ádwöög Mal kipe Rebi Pödhø

Budø men lidh-a gïg-a ágwøg ki run-a mal ki yij Kaam Mïri Wili Bëedø, e tööng-a kömi: a) gïg-a árum ki gwøgø; b) gïg-a ádhäli ki tyëgø' gwøgø geki møg-a nudd ge nenn-a gwøgø; c) akørr-a mään jammi gwøgø; kí d) gïg-a per gen teg møg-a nudd gwøgi gen kedh-a bøle. Kaam-a tyëg yi luurø menani cäg-ää cyänggi Akönythinh 23 ki run 2020 gïti cyänggi Akönythinh 22 ki run 2021.

3. Gĭg-a Árum kĭ Gwøgø kĭ Yij Kaam Wili Bëedø

Gĭg-a dwadi yi Lwöbø møg-a árum kĭ gwøgø kĭ yij kaam-a loor en, ba gĭg-a kööbø kĭ ri jyägø geki kor. Kĭ ri jyägø: kĭ bang ka árum Wĭj Jyägø kĭ cĭbø (Jagø, Ókwøøm Jagø men-a mal, kĭ ókwøøm-a kyeelø ga ángwen), Kansil Mĭniserr e kwanni gen ba pyär ádag wĭdábĭj kĭ ri Akuddi Lwöbø áköngi. Menani bange ákedhi yi kaam ma álwöøb yi Akudd, ka yĭëy kinni pängi gwøøg istett kĭ kaam Akudd bënn kĭ yethi istett ga pyärø, kĭ Mĭri Yethi Myërr kĭ Abyey, kĭ Ruweng, kĭ Pĭbor. Jyäggi istett ga pyärø kĭ Ókwøøm-mi gen, kĭ Jyägg-a Døngø kĭ Ókwøøm-mi gen kĭ Myërri Abyey kĭ Ruweng, kĭ Pĭbor ge árum kĭ kwanyø.

Kømicin Tyenyi Wänyi Cigg Pödhø (NCAC), Cigg nämbär 8, kĭ run 2020 (ni ka átyenyii), átyëge; en a ákĭdhi Lwöm-a Ádwöög Mal kipe Yieli Liny kĭ Søøth Sudan (R-ARCSS). Áluur ka otëenyø kĭ cigg møg gĭir, e reb-a cigg cyääl kori jammi pödhø kĭ ngyëny møg-a Wĭj ángwen kĭ yij Lwöm-a Ádwöög Mal kipe Yieli Liny kĭ Søøth Sudan (R-ARCSS), ka ge mëggi Mĭniser Gøggi Dyër kĭ Kwøbbi Wänyi Cigg.

Kĭ ri møg-a 'lwöøb kĭ gwøøg kor, Akudd ámägi ceth kĭ ri gĭg-a dwadi yi Cuungi Maany Pa Cög kĭ yij kaamani bëne, a bange ábongii liny ma áðøøg mal kĭ yij pödhø, walà a ábongii nyaag. Kidyër gĭg-a ákwøb kipe cuungi liny, reb kĭ däängi liny, kĭ lääwi kelli gen keløg ge bëedø kelli gen cyägi, kĭ yiebi yëth-a källi gĭg-a køny ji; møgani ámĭdhi bënn.

4. Gïg-a Per Gen Teg Møg-a Nudd Ge Nenn-a Gwøgø

Gïg-a nudd ge nenn-a gwøgø, a cyädhi ki jyägø, ba kwanyi Kansil Bödhhi Cigg ga 550 ni ka ánywaagii yi Akuddi Lwöbø, o ba gwøg me di gwøg ki yij Kaam-a Bøli Kaam Tyëny.¹ Gwøgg-a kyeelø møg-a nudd ge nenn-a gwøgø, a ‘lwöb ki jyägø, reb-a kwanyi Kansil Istett, kí kwanyi mothaab møg-a dwadi yi cigg, kí Kømïcinn møg-a cungi kí wij pödhø, kí luurø geki tyenyi ciggi leng mø run 2012, kí tyenyi Kømïcin Leng, o ócugge ki pyëli leng me yije bong geny.

Kí yij kor, áda cwöngø me pëddi, kí yij ‘pwönyi Liny-a Areb møg-a ti ki dwadø, a ba gwøgg Kaam-a Bøli Kaam Wili Bëedø, men-a ácøør mal yij Kaam Wili Bëedø. Gwøgg-a per gen teg kí yij kor, møg-a nenni gwøgø ba gwøgg (DDR), a løng Kwanyi Twäjj, Pëgi Piny kí Døggø kí Rëbø, kí cøngi twäjj-a thønhø, kí twäjj-a nyi pöddi keny läwi, kí twäjj-a peg, tyëgi kwanyi liny-a ngäny gwøgg kor; kí cïimi dej kí käjje geki liny-a kyeelø ni ka ócïbii kí yij gwøgg kor kí kam me bär, geki møg-a nyi bï wäg kí yethi burri loori gwøgg kor. Reb kí kinni, kí bøli keny-a ágweed møgani, Liny Nyagi Per Tyëng Søøth Sudan (SSPDF) nudd e bëed a yethi käj pyärø wíðákyel mø tyëng pödhø, o DeeJ Tyëny kipe Yeli Tyëng Sudan (SPLA-IO) bëed a keny-a kyeelø thyew.

Bong ákyel ma ágwøg kí kelli jamm-a ákwøb kinni i ge ógwøg kipe kønyi ji, kí døggø kí gyer kí ri cägi Mïri Tyëny kipe Rebi Pödhø. Cagg á kinøw, da ma ákedhi bøli gen kí ri gwøgg siyääsä kí jyäägø, kí yëth-a kedhi gwøg bøle, kí cïbi ciggi gwøgg kunyø, kí korri ji. Gïg-a yieel ji ócyädhø thyew, kí kori ji-a døgg käjji gen, kí døggø kí pëggi piny, kí døggø’ rëbø, kí døggi tyëng käjji yömø kí yij pödhø geki tyëng-a dwöög kí yïnø kí cïb

¹ Kansil Bödhhi Ciggi Pödhø (NTLA), árum kí døggø’ kwanyø kí cyänggi Akölit 10 kí run 2021, ka yïëy ceth kinni menani wang-a kedhi gwøg bøle.

piny. Thyew, da gwøg me pere teg ma árømmi kinni, gwøøg kunyø di jwaane, a løg gwøgi Sanduug døøgø ki gyer, menani ácég thyew e nuti gwøgø.

Kipe gwøgi gwøøg mīdhi jammi geki mīdhi ngyēny, Kømicin Tyenyi Wānyi Ciggi Pōdhø (NCAC) árum ki loori Yēth-a Mīdhi Ngyēnyyi Pōdhø, kí Ciggi Pyēj, kí Ciggi Ød Pääri Jammi Pōdhø, kí Ciggi Mīdhi Ngyēnyyi Pitröl, kí Ciggi Pitröl ki ree. Reb ki kinni Mīniser Painans kí Pyëlø ácégi ki nenni Gwøøg Tyēny ka ákábbe ki bur-a nenni kēer mīdhi ngyēny, men-a ‘göög ngyēnyy-a muuj yi tyēng-a kunyi geki Lwöm-a Ádwöög Mal kipe Yieli Liny kí Søøth Sudan. De cagg á kinøw, Jagg-a Mīdhi Jammi Pōdhø geki Ngyēny, mothaab gen men-a ákwøb kí yij Mīr-a Ádwöög Mal kipe Yieli Liny kí Søøth Sudan kinni i óyieb, nuti yiebø.

Ba akwøb thyew kí yij Lwöm-a Ádwöög Mal kipe Yieli Liny kí Søøth Sudan, kinni gwøøg cyääl Pitröl bēne ótyeny. Tyēny-a átyeny pīd anen, ábēed á kēr-a jaag jammi pōdhø, de kēr-a mīdhi jammi pōdhø nuti nywalø, kí yöö men cuggi gen ki nēnnø, o pyēj-a di pyēj ngan báiji di yod kí bang Ciggi Ngyēnyy-a Kääl yi Pitröl.

Ki ri cāgi Kaam Wili Bēedø, Mīri Tyēny kipe Rebi Pōdhø, árømmi kinni di göög ki yēth-a cyādhi yi gøggi dyēr ga ádag, ni ka ókwøøbii kí Wīj ábij, o di gwøg-a yij run-a mal ceth. Yēthani ga ádag ba Kømicin kipe Dyēr geki Døøgø ki Rēbø kí Tuurø, kí Buri Gøny men-a Areb kipe Søøth Sudan (HCSS), kí Buri Col geki Gedh (CRA). Ba kinni kà bēen run-a mal e óthumø kí yij Mīri Tyēny kipe Rebi Pōdhø, Kansil Mīniserr di nyuudh ki yuu-a ócyādhi gwøg men-a köddi kömi gwøgi Wīj ábij, kí Wīj ábíkyel mø Lwöm-a Ádwöög Mal kipe Yieli Liny kí Søøth Sudan, e cīb bøle yi Mīniser Gøggi Dyēr kí Akøri Wānyi Cigg. Gīn-a pere teg ba kinni, o ge nyuudh gen ki kēr-a ócyādhi gwøøg gøggi dyer kí káj-a gøggii ga ádag.

Ki Wij Ábíkyel ki yij Lwöm-a Ádwöög Mal kipe Yieli Liny ki Sөөth Sudan, Míri Tyëny kipe Rebi Pödhø, áthödhi ki tegø men cäge ki pyëli Wányi Ciggi Pödhø, o gø nenne kà kedhe bøle, o ádwadi kinni gwøngani di tyëge ki yethi dwätt 24, ki yij Kaam Tyëny. Ba ki cyän, ki Akönydwøng ki run 2021, a áköbbi Kömícin Men-a Ádwöög Mal á Areb kipe Nënni gekI Nyuudhø kinni, gögge Akuddi Lwöbø ki wökcøb men yije løbbi gen kër-a gwøøg Wányi Ciggi Pödhø ki ngween dwätt. Ki bøli kenya-a ágweed møg, Kömícin Men-a Ádwöög Mal á Areb kipe Nënni gekI Nyuudhø, nyingi tyëng-a bī be wökcømani árum ki mëggii yi Akuddani bënn geki Tyëng-a Kunyi. Wökcømani bøli kenya-a gwøøgi árum ki cībø cøn kinni ba Akönythinh ki run 2021, de ádøøg Aköldit ki run 2021.

5. Akørr-a Mään Gwøgi Lwöm-a Ádwöög Mal kipe Yieli Liny ki Sөөth Sudan

Gwøgi Lwöm-a Ádwöög Mal kipe Yieli Liny ki Sөөth Sudan, ki yij run-a mal ki bang kwanyi Míri Tyëny kipe Rebi Pödhø, ree ányodhe ceth kinni gwøge teeg carø, budi gīg-a wëggii dhälø ba bëëni yømø nääg; a løg Köbed-19, reb thyew ki akørr-á nyi cwøb ki ri cägø ceth, ge mään-a Lwöbø kedhi bøle.

Møg-a mal ba kinni, ki ri kwanyi Míri Wij Pödhø, kwanni männ 35% men-a kømmi yi artikul 1.4.4, ki 1.12.5 ki yij Lwöm-a Ádwöög Mal kipe Yieli Liny ki Sөөth Sudan nuti tuumø. Míri Tyëny kipe Rebi Pödhø men-a Nud anen, ádwaddi kinni kábbe ki tyëng-a männ ábíkyel, ka SPLA/IO kábbe ki tyëng-a männ ádag, o SSOA kábbe ki tyëng-a männ áryew, ka ádag kwany ga Ókwømmi Míniserr.

Míri Tyëny kipe Rebi Pödhø ámuuj-a nyingi tyëng-a män ábij, ka SPLM/A-IO muuj-a ádag, ka SSOA muuj-a ákyel. Míri Tyëny kipe Rebi Pödhø ámuuj-a Ókwøøm Míniserr ákyel. Gín-a nud ba kinni Akuddi Lwöbø, tyëng-a männ di mëggi kwann-a áyīëy ceth ga 35% ki ri Míri Wij Pödhø. Kömícin Men-a Ádwöög Mal á Areb kipe Nënni gekI

Nyuudhø (RJMEC), Akuddi Lwöbø ápadde ceth kinni tyëng-a männ kwanni gen ko wëggi nungø kì yij Mìri Wìj Pödhø.

Kì yij run-a mal bëne kì Kaam Wili Bëedø, bëedi Søøth Sudan ágöög e raaj kì bang nyaag kì kaam teeni pödhø, men-a nyi tug yi kwøbbi kwalli dhög, o men-a pëddi' rääjø ying-a Jungule, kì Aper Nail, kì Bãrgadhäl kì kuni Waang Cyääng Böörø. Da liny me nyi tuum kì bøle kenya megø kì kaam SSPDF kì SPLM/A-IO geki liny-a tuung (NSF) men-a kwølli yi Thomas Cìrilø, kì Ikwatöria. Thyew, käd-d-a pwönyi dej kì rebi liny yì gen da gïgdhãli mø gïir, ge reb-a bongi jammì møg-a göög kipe tyëgi gwøng-a dwaddi gwøgø yi gen, kì bongi gïgcamm geki yenhi rääm dëlli, kì bongi kej bëedø, kì bongi gïg 'göög, kì bongi jammi korri rek kipe tyëng-a männ kì yethi kãjji bëedø geki kãjji pwönyø. Kømiti men-a ákwany yi Mìri Tyëny kipe Rebi Pödhø, kinni o nyi nyodhe tuung-a kedhi yi kwøb, kì nyodhi gïn-a gwøg, kì yuu-a køny gwøøg kor, a cwølli á Kømiti Kaam Tyëny (NTC), ádhäl yi gwøgi gwøng-a ámëggii. Ka yöd e kääla jaadø, kwì liny ádhwödh kì kãjj-a áçong ji, kedh tyëng-a pwönyi mø ngenyø wiy-a kãjj-a pwönyi piny, ka ge kedh-a be yab kì gïgcamm møg mïdhi wëyi gen, ka rebø ónënø e pa cuggi.

Thyew áda gïgrijjø ma ágöggi SSPDF yi pëjji dej møg-a døngø kì yij SPLA-IO kì kenya ni Maiwut, kì Kajo Keji, kì Maban, kì raj mø yööd ma ágwøg kì Yambio. Thyew, mød kì männ kì rajj-a nyi göggi männ kì yij Liny yi ji mø rugø kì ógudhi dej nudd ge nyii cwöbø. Cagg møgani bëedø kinøw, läw pwøji SSPDF, geki Buliss møg-a ámag tyëng-a ágwøg rajjani, ka møg-a áyod ge mudø kì ji cay, ni ka ányoodhii yi Buri Dej men-a ákuum álathker 26 kì thøø kì Yei, kipe gïgrijjø møg-a ágöggi gen tyëng pödhø, e reb-a mød, kì nãg, kì kabbi jammì, kì dhääli ji, kì cyeddi gen kì myërri gen.

Akørr-a pëddi rääjø kì ri gwøøg kønyi ji kì yij run-a ápöødh, ba kenyi ríij tyëng-a källi gīg-a kønyi ji ge nyii rødhø, ka ókännø kì thøwi ji-a gwøøg gwøøg kunyø ga ábīngwen, ka kwanni ji-a ánäg bēnn ogöögø kì 124 kēer run 2013. Rajj-a kyeelø kääla ri liny SSPDF geki NSF, kí cyeddi ji kì yethi myērri gen kì bang dhwödhi kwī liny IO ka órēbø kì liny SSPDF, kí rīgi yēeth yi tyëng pyem cigg, kí dhälø' cyädhø kì bang räji yēeth, kí liny kì kaam teeni yethi myērri. Gīgak bēnn ácwöb ka per määni ji-a áyömi yij pödhø, geki tyëng-a ákedhi yīnø dwöög yethi myērri gen, ni ka ácyedde tyëng pödhø, o men-á mөг-a ngenyø kì kelli gen ba tyëng-a männ kì Bāral Gadhal kì waang cyääng böörø, kí Warrap, kí Jungule kí Leek Istet.

6. Gīg-a Dwadi 'Kwøngø Ki Gwøøg Møti kipe Kedhi Gwøøg Bøle

De cagg á kà bēed akørr gīir, Mīri Tyëny kipe Rebi Pödhø ceg-a ree kì pānyø ceth kì gwøgi gīn-a cuggi jwani gīgani kì gwøgø, kipe gwiri gwøøg leng kì ri thumi Kaam Tyëny. Ba kipe mөгani, a ákööb yi Wīj Jyägø kì Akönydwøng kì run 2021 kinni jwaan gīg-a dwadi yi Lwöm-a Ádwöög Mal kipe Yieli Liny kì Søøth Sudan (R-ARCSS) kì gwøgø, e reb-a kwanyi Kansil Bödhhī Ciggi Pödhø, kí Kansil Isteet, kí pwönyi Deej Pödhø men-a ba Areb, kí cīmme; o gīgani dwad-a jwanø' tyëgø ceth.²

Thyew, di dwadø kinni o Ciggi Leng kì yij Pödhø, kí Ciggi Monadhämm-a path kì mø Mīiri, kí cigg-a nyodh mīdhi jammī, kí ciggī ngýew kí mīdhi ngýëny. Cigg-a nuti yīëyø anen, dwad-a yīëyø yi bödhhi ciggi pödhø thyew. Mөг-a dwaddi gwøgø thyew, ba døøgi Kansil Akuddi Siyääsà geki Kømīcin Leeng Pödhø kì kwanyø, o ge ónenni gen gwøøg leng men-a óbī kì bang thumi Kaam Tyëny.

² Kansil Bödhhī Ciggi Pödhø (NTLA), árum kì døøgø' kwanyø kì cyänggi Akölīt 10 kì run 2021, ka yīëy ceth kinni menani wang-a kedhi gwøøg bøle.

Kà døøg wa ri gwøøg kønyi ji, tyeli gwøngani ceg ka cīb piny kidøøj, kipe døøjø ki wøri tyëng-a dwöög ki kǎjj-a áyømi ki yij pödhø geki tyëng-a kǎäl yīnø. Kipe møgani, jwani Sunduug Gyer ki gwøgø, kí tīngi gwøøg kunyø, kí korri ji, kí cībbi gen piny ki kǎjji gen cøn, kí døøgø ki rēbø, kí kønyi tyëng-a dwöög ki kǎjj-a áyømi ki yij pödhø geki tyëng-a kǎäl yīnø ki døøg ri gwöggi gen, ge køny-a yi monadhämmi UN geki monadhhämm-a kyeelø møg-a kunyi, o møgani bene gen a kömi gen ti ki köddø.

Gwøgi gīg-a ba agwed ki yij wǎnyi Mīdhi Jammì kí Ngyëny, per gen teek kipe mēr-a dyēr ki døøjø ki Søøth Sudan, ma ge yiel-a gīg-a ba tyeli liny. Menani ba kwīji mīdhi jammì, kí bongi pyēj geki gøggi jammì ge ónënnø. Gwøgi gīgani pere teeg kipe korri pödhø kí gerii.

Ki bang rumi yēth-a göög ki nyodhø yi Mīniser Gøggi Dyēr kí Kwøbbi Wǎnyi Cigg ki kaam tyëny, gīn-a pere teg ba kinni, jwaan cigg-a ti ki dwadø kipe cøøri gwøg bøle ki cībø. Thyew cigg-a yīey ki yij Wökcøøb Wǎnyi Ciggi Pödhø, dwad-a yīeyø ceth ki bang rumi Wökcøøb menani. Kí runn áryew møg-a döøngø ki ri Kaam Wili Bëedø anen, jamm-a per gen teg møg-a dwadi gwøgø, ceg ka yenyø kidøøj, o møgani dwad-a cøør mal yi tyëng-a jyägø, e ge omuujø ki jamm-a dwadi kipe gwøgi Lwöm-a Ádwöög Mal kipe Yieli Liny ki Søøth Sudan (R-ARCSS). Árum ki lidhø kinni kenyi göög yi Akuddi Lwöbø ki kej ákyel, ni ka áyiëy gen gwøgi Mīri Pödhø, kí Mīri Istett, kí Mīri Yethi Myërr, kí gīg-a nyi yīey yi Wīj Jyägø; gīg mø gīir ócuggø ki gwøgø kinøw. Dwøøgi pyëw piny ni menani, kí nywagi gwøg dwadd-a pödhø bøle, o peeje gwøg bøle. Anen men ba kaam me pere teg, men-a yije tyëeg gwøgi cyǎäl kor, kí tyenyi gwøøg ngyëny geki mīdhi jammì, kí yīeyi cigg-a per gen teg, kí yab ki yuu cuggi ki kønyi tyëng-a áyømi yij pödhø kí møg-a dwöög ki yīnø, kí gwiri gīg-a dwadi bēnn kipe gwøgi leng me yije ‘lëeng dhanhø wīje; leeng yije bong geny.